



ՄԻՀՐԱՆ ՀՈՎՀԱՆՆԵՍԻ ՄՈՒՐԱԴՅԱՆ

ՀԱՅ ԺՈՂՈՎՐԴԻ ԻՆՔՆԱՊԱՇՏՊԱՆՈՒԹՅԱՆ ԾԱԿԱՏԱՄԱՐՏԵՐԻՆ ՄԱՍՆԱԿՑՈՂ ՀՈԳԵՎՈՐԱԿԱՆՆԵՐ

ՏԵՐ ՍԱՀԱԿ ՔԱՀԱՆԱ ՏԵՐ-ՍԱՀԱԿՅԱՆ

Սարգսրապատի համալգային գոյամարտին եռանդուն մասնակցություն են ցույց տվել նաև հայ ժողովրդի հոգևոր հովիվները:

Շատ է գրվել հայտնի գիտնական եպիսկոպոս Գարեգին Հովսեփյանի, Կարևո առաջնորդ Զավեն եպիսկոպոս Մահտեսի Բաբայանի ղեկավար մասնակցության մասին: Նրանք խաչը ձեռքներին կռվի են առաջնորդել սակավաթիվ մնացած հայ պորքին: Սակայն գյուղական քահանաներն այդ օրերին խաչի փոխարեն հրացան վերցրած կռվի են տարել իրենց համագյուղացիներին և քաջաբար մարտնչել են դիրքերում՝ գործնական օրինակ ծառայելով իրենց իսկ կոչով կռվի դաշտ դուրս եկած երկրագործ մարդկանց:

Սարգսրապատի հերոսամարտի օրերին մեծ գործ է կատարել Ղուրդղույու գավառակի (այժմ Հոկտեմբերյանի շրջան) Զաֆարապատ (այժմ Գետաշեն) գյուղի քահանա Տեր Սահակ Սիմոնի Տեր-Սահակյանը:

Տեր Սահակը ծնվել է 1870 թվականին Զաֆարապատ գյուղում, սակայն նրա ծնողները Արարատյան դաշտ են եկել Արևմտահայաստանից՝ Սասունից, չկարողանալով տանել թուրք բռնակալների լուծը և ցանկանալով ապատ շունչ քաշել ռուսական պետության հովանու տակ:

Գյուղի ծխական դպրոցում գրաձանաչություն սովորելուց հետո պատանի Սահակն ընդունվում է Էջմիածնի Գևորգյան ճեմարանը, որն ավարտում է 90-ական թվականներին: 1896 թվականին Տ. Տ. Մկրտիչ Նրիմյանի կաթողիկոսության ժամանակ ձեմարանավարտ Սահակը ձեռնադրվում է Զաֆարապատ գյուղի քահանա:

Նրիտասարդ քահանան հոգևոր, կրթական գովելի աշխատանք է կատարում իրենց գյուղում, կանոնավոր հիմքերի վրա է դնում ծխական դպրոցը: Գյուղացիներին սովորեցնում է բաժանորդագրվել Թիֆլիսում լույս տեսնող հայերեն թերթերին: Հոգևոր աշխատանքը համատեղելով երկրագործության հետ՝ Տեր Սահակը միաժամանակ չի դադարում մաճ բռնելուց:

1917 թվականին, ռուսական փետրվարյան հեղափոխությունից հետո, Արաքսի հակառակ ափին ապրող մահմեդականները փորձում էին Արաքսն անցնել և կողոպտել Զաֆարապատ և Բյալազար գյուղերը: Տեր Սահակը ոտքի է հանում գյուղի ժողովրդին և հաջող հակահարված տալիս ինչպես Ղարաղայի կամուրջը, նույնպես և Արաքս գետը անցնելու փորձ կատարողներին: Տեր Սահակին հաջողվում է համագյուղացիներին սովորեցնել պինվել և կապմ ու պատրաստ լինել ամեն մի նոր փորձության դեմ:

Արաքսի հանդիպակաց ափի մահմեդականների հարձակումները Զաֆարապատի և

* Հարունակված «Էջմիածին» ամսագրի 1978 թվականի № 6-ից:

մերձակա հայկական գյուղերի վրա շարունակական բնույթ են ստանում: 1918 թվականի մայիսի 9-ին Տեր Սահակը, ինչպես և շրջակա գյուղերի բոլոր գյուղացիները իրենց բնտանիքները տեղափոխում են Էջմիածին, սակայն իրենք պինված մնում են հայրենի գյուղերում:

Նրա խորհրդով և նրա օրինակին հետևելով, այդպես են վարվում նաև Ջաֆարապատի և մոտակա գյուղերի պենքի ընդունակ բոլոր տղամարդիկ:

1918 թվականի մայիսի 21-ին թուրքական բանակը գրավում է Սարդարապատ գյուղն ու կայարանը, իսկ գիշերը, նրանց հետ եկած բաշիբուզիները հարձակվում են գյուղերի վրա՝ թալանելու և այրելու: Տեր Սահակի ջոկատները կռվի են բռնվում նրանց հետ և դուրս քշում գյուղերից, իսկ արդեն մայիսի 22-ին սկսվում է հայ պորքի հակահարվածը Սև ջրի կողմից: Տեր Սահակն անմիջապես իր շուրջն է հավաքում Ջաֆարապատի, Բյալագարիսի, Շահիրարի և Ջանֆիդա գյուղերի պենք բռնող գյուղացիներին ու կռվի տանում նրանց տաճկական բանակի դեմ:

Ռազմաճակատի ընդհանուր հրամանատար գեղապետ Դանիել բեկ Փիրումյանը որոշում է Տեր Սահակի ջոկատի տեղը: Նրանք անմիջապես դիրքեր են մտնում Տեր Սահակի ղեկավարությամբ. կռվի բոլոր յոթ օրերի ընթացքում, կուրծքները ժայռի նման դեմ տված բռնամուկ կատաղի գրոհներին, նրանք մարտնչում են և հերոսաբար պաշտպանում իրենց բնագիծը՝ արժանանալով հրամանատարի խրախուսանքին:

Սարդարապատում, 1918 թվի մայիսի 22—27-ին, ինչպես ասում են, հրաշք տեղի ունեցավ: Թուրքական բանակը պարտվեց, փախուստի մատնվեց ու ջախջախվեց, սակավաթիվ հայ պորքը հաղթանակ տարավ:

Պարտված ու փախուստի մատնված թուրքերը, սակայն, չհաշտվեցին իրենց դրության հետ: Երբ Բաթումում կնքված հաշտության պայմանագրով հայ պորքը ետ քաշվեց և կորցրեց իր նպաստավոր դիրքերը, թուրքական բանակի հրամանատար Շևքի փաշան ժամանակը պատեհ համարեց պարտության վրեժը լուծելու համար և մեկ պորաբաժնով հարձակման անցավ այս անգամ արդեն Էջմիածնի վրա, քաղաքից ութ կիլոմետր դեպի արևմուտք ընկած Քյորփալու (այժմ Արշալույս) գյուղի մոտից: Այդ կռիվը հայտնի է «Քյորփալուի կռիվ» անունով:

Էջմիածնի վանքերի պանգերի տագնապալի դողանքները Սարդարապատյան օրերի նման հայ ժողովրդին ոտքի հանեցին: Տեր Սահա-

կը Էջմիածին քաղաքում տեղավորված ջաֆարապատցիներից, մյուս գյուղացիներից և սուրմավեցիներից կազմեց մեծ ջոկատ, ինքն էլ պինված նուանց գլուխն անցավ, ոտքով հասավ Քյորփալու՝ կռվի վայրը, որտեղ զոտնըվում էին նաև Գրամփա գյուղի քահանա Տեր Հովհաննեսի աշխարհապորային ջոկատը և Էջմիածնի ամբողջ շրջանի գյուղերի աշխարհապորայինները: Կռիվը կատաղի էր և վտանգավոր, թուրքերը ցանկանում էին ուժեղ հարվածով կոտրել հայերի դիմադրությունը և մեկ շնչով հասնել մինչև Երևան:

Առանց հայ պորահրամանատարության և կառավարության թույլտվության, ինքնագլուխ, աշխարհապորայիններին օգնության հասան Էջմիածին քաղաքում գտնվող մահապարտների 5-րդ գունդը, քաղաքի պարետային վաշտը և Սամաղարում գտնվող պարտիզանական գունդը՝ հինգ թոդանոթներով: Յոթ ժամ տևած կատաղի մարտերից հետո թուրքերը գլխովին ջարդված, Քյորփալուի դեբում թողնելով իրենց բանակի քառորդ մասը՝ սպանվածներ, մինչև Սարդարապատ խուճապահար փախան: Հայերը նրանց չհետապնդեցին. կանգ առան սահմանագծում:

Տեր Սահակի և Տեր Հովհաննեսի եռանդուն մասնակցությունը ոգեշնչման և անձնակոհության խթան հանդիսացավ հայ փոքրաթիվ պորքերի համար: Այս անգամ ևս ժողովուրդը փառավոր հաղթանակ տարած քահանաներին և հայ մարտիկներին, գյուղերի միջով անցնելիս, ցնծությամբ դիմավորեց և «ուռա»-ներով ճանապարհեց:

Նույն 1918 թվականի վերջերին ջաֆարապատցիները հնարավորություն ստացան վերադառնալու թուրքական բռնագրավումից ապատագրված իրենց գյուղը: Տեր Սահակն իր բազմանդամ ընտանիքով նույնպես վերադարձավ Ջաֆարապատ, որը ավերակույտի էր վերածվել թուրք նվաճողների իշխանության տակ: Սովն ու համաճարակային հիվանդությունները, գյուղատնտեսական ծանր աշխատանքները իրենց բազասական ազդեցությունը գործեցին Տեր Սահակի առողջության վրա, և նա վախճանվեց 1924 թվականին 54 տարեկան հասակում: Էջմիածնի միաբանությունը Արիստակես եպիսկոպոս Ջուլյանին Ջաֆարապատ էր ուղարկել պատշաճ թաղում կազմակերպելու համար: Ինչպես Ջաֆարապատի, նույնպես և շրջակա գյուղերի բնակիչները հավաքվել էին իրենց հարգանքը մատուցելու օրինակելի հոգևոր հովիվ, աշխարհապորայինների հերոս ղեկավար, հայրենասեր Տեր Սահակ Սիմոնի Տեր Սահակյանին:

ՏԵՐ ԿՈՄԻՏԱՍ ՔԱՀԱՆԱ ՍԱՐԳՍՅԱՆ

Չնայած բավական ժամանակ է անցել 1918 թվականի ծանր օրերից, հայ ազգը չի մոռացել իր հերոս հոգևոր հայրերից ևս մեկի՝ Ղարաքիլիսայի ռազմաճակատի առաջավոր դիրքերում թուրք շարդարար բանակի դեմ մարտնչած, շարհապուրայիների ջոկատի ղեկավար, Դարպաս գյուղի քահանա Տեր Կոմիտաս Կարապետի Սարգսյանի կատարած մեծ գործերի մասին:

Տեր Կոմիտասը ծնվել է Շիրակի գավառի Մոլլապոզայի (այժմ Արթիկ) շրջանի Մայմենջուղ (այժմ Պեմվաշեն) գյուղում, չքավոր գյուղացու ընտանիքում: Նրա պապերը, կոտորածներից փրկված, գաղթել են Արևմտահայաստանի Լևոնի գավառի Դուման գյուղից: Պատանի հասակում նա չորս տարի սովորում է գյուղի օդաներում, ապա Հառիճ վանքի միաբանները նրան վերցնում են իրենց խնամքի տակ և հոգևոր անհրաժեշտ կրթություն տալուց հետո իրենց միջնորդությամբ ընդունել են տալիս Փնորգյան ձեռնարանը: Երեք տարի սովորելուց հետո, ընտանեկան ծանր պայմանների բերումով նա ստիպված է լինում կիսատ թողնել իր ուսումը և զբաղվել ուսուցչությամբ՝ երկու տարի Քուրայիսի շրջանում և երեք տարի Լենքորանում: Այստեղից նա վերադառնում է հայրենի գյուղ և ամուսնանում:

Մայմենջուղում ապրած տարիներին Տեր Կոմիտասը նորից լծվում է մատաղ սերնդի դաստիարակության գործին, միաժամանակ որպես դպիր մասնակցում եկեղեցու ժամերգություններին: Տեր Կոմիտասը օժտված էր քաղցրահնչյուն սքանչելի ձայնով: Որպես հոգևոր բարձրագույն կրթություն ստացած և բավակողմանի պատրաստված մարդ, Տեր Կոմիտասը ձեռնադրվում է նախ սարկավագ, ապա քահանա և ուղարկվում Ալեքսանդրապոլ քաղաքի սուրբ Աստվածածին վանք: Տասնվեց տարի այդտեղ ծառայելուց հետո 1910 թվականին նրան նշանակում են Ղարաքիլիսայի (այժմ Կիրովական) շրջանի Դարպաս գյուղի քահանա:

Նորընծա քահանայի առաջնահերթ գործն է լինում Դարպաս գյուղում կառուցել տալ ծխական նոր դպրոցի շենք իր բոլոր հարմարություններով և պատանիներին կտրել Ղշաղ գյուղի դպրոցը գնալ-գալու երկար ճանապարհից:

Առաջին համաշխարհային պատերազմի տարիներին նա քուն ու դադար չունեց. նրա ուսերին էին ծանրացած եղեռնից փրկվածների պարենավորման և ծնողապուրկ երեխաների համար որբանոց բաց անելու գոր-

ծերը: Նրա թափած ջանքերի ջնորհիվ հարյուրավորներ փրկվեցին սովից:

1918 թվի մայիսին Ալեքսանդրապոլի անկումից հետո, երբ տաճկական բանակը կրակակոխ հեռապնդում էր հայ զաղթականությանը, Տեր Կոմիտասը կազմավորված փոքրաթիվ հայ զորքի գլուխն անցած՝ Մեծ Ղարաքիլիսան անցնելով հասավ Դիլիջան:

Ղարաքիլիսայից երեք կիլոմետր դեպի արևմուտք ընկած Դարպաս գյուղը իր բնական դիրքով իրոք որ հանդիսանում էր Ղարաքիլիսա գյուղաքաղաքը մուտք գործող դարպասը: Երբ տաճկական բանակը Համամու հասավ, Տեր Կոմիտասը խոճապի չմատնվեց, անմիջապես եկեղեցու տաճկապալի կանգահարություններով բոլորին ոտքի հանեց: Գյուղի կենտրոնում խռնվել էր ժողովրդի մեծ բազմություն, անգամ կանայք իրենց երեխաներով: Բոլորին համակել էր անի ու սարսափը: Տեր Կոմիտասը ոտից-գլուխ փնված և զգեստափոխված, հոգու ներքին խռովից սիրտը ալեկոծ՝ խաչը վեր բարձրացրեց, օրհնեց և ոգեշունչ մի ճառով խրախույս կարդաց հավաքված բազմությանը:

Շատ չանցած, աշխարհապուրայիները վրեժխնդրության ոգով լցված շարժվեցին առաջ, դիրքեր գրավեցին գյուղից հեռու «Ֆորթերի յաթաղ» կոչվող դար ու փոսերում և սպասեցին թշնամուն: Դարպասցիների օրինակին հետևեց մոտակա Ղշաղ, Վաջիդարա և ուրիշ գյուղերի ժողովուրդը: Փամբակի հովտում ոչ մի ընտանիքի թույլ չտրվեց տեղից շարժվելու. նրանք մնացին, և ով ինչով և ինչպես կարող էր, մասնակցեց ինքնապաշտպանության մարտերին:

Մի քանի օրից հետո Մեերոպ եպիսկոպոս Տեր Մովսիսյանի առաջնորդությամբ հայ զորքը կամավորական ջոկատների հետ Դիլիջանից վերադարձավ Ղարաքիլիսա և անցավ գրոհի: Ճակատամարտը թուրքերի դեմ սկսվեց: Տեր Կոմիտասի ջոկատի աշխարհապուրայիները խրամատավորվեցին գյուղի դիմացի դար ու փոսերում: Երեք օր կատաղի մարտեր էին գնում, աշխարհապուրայիները քաջության հրաշքներ էին գործում թև ու թիկունք դարձած կողք-կողքի կռվող զորամասերին: Վիրավորները շարունակում էին կռվել, չէին լքում դիրքերը: Նրանցից շատ-շատերը զոհվեցին, բայց վենքը ձեռքներին, թշնամուց կրկնակի չափով վրեժ լուծելուց հետո: Նրանց թափած յուրաքանչյուր կաթիլ արյունը ծառայեց հայ ազգը բնաջնջումից փրկելու գործին և ճանապարհ հարթեց նոր

սերունդների գոյատևմանը: Վերջին օրը, մայիսի 28-ին աշխարհապորայինները Վորքի հետ միասին քանդեցին թշնամու գերապանց ուժերի շղթան, ռազմամթերքի սպառման պատճառով, և անցան Դիլիջան:

1918 թվականի աշնանը, թուրքերի նահանջից հետո, Տեր Կոմիտասը նորից վերադարձավ Դարպաս և շարունակեց քահանայագործել: Իսկ 1921 թվականից տեղափոխվեց հայրենի գյուղը՝ Մայմենջուղ, իր համար նոր բնակարան ջինեց և ապրեց որպես քաջ

հովիվ, որ «զանձն իւր դնէ ի վերայ ոչխարաց»: Անժամանակ մահը Տեր Կոմիտասի կյանքի թելը կտրեց 1928 թվականին: Նա վախճանվեց 67 տարեկան հասակում և թաղվեց Մայմենջուղի գերեզմանատանը:

Դարպասի, Մայմենջուղի և շրջակա գյուղերի հոծ բազմությունը փառավոր թաղում կապմակերպեց և հրաժեշտի վերջին հարգանքը մատուցեց ժողովրդի հերոս քահանա Տեր Կոմիտաս Կարապետի Սարգսյանին:

